

沈佺期的佚文的发现

程有庆

沈佺期（公元656——714），字云卿，是初唐时期的重要诗人。他和宋之问一起，为近体格律诗的最后定型，做出了重要贡献。然而，象沈佺期这样的诗人，《四库全书》没能收进他的文集，而近代出版的《四部丛刊》、《四部备要》这样有影响的大丛书，也未能把沈集收录在内，这对一个为中国诗歌做出过贡献的诗人来说，显然有欠公允。由此亦不难窥见，我们对沈佺期诗文的研究工作，做的还很不够。

1991年11月，中州古籍出版社出版了连波、查洪德先生整理的《沈佺期诗集校注》一书，校注者参考多种版本，对沈诗进行了详细的校勘和注释，书后还附录沈佺期所存的文、赋、诗句，使本书成为现今收录沈佺期诗文最完备者。1993年第2期《中国典籍与文化》刊载刘明华《沈佺期研究的新收获——读〈沈佺期诗集校注〉》一文，对校注本给予了高度评价。

然而，北京图书馆所藏清李昉研录山房抄本《沈云卿文集》五卷，^①其中有不少稀见的文献，新整理的校注本未曾利用，似应引起我们的充分注意。

据《新唐书·艺文志》、《崇文总目》、《直斋书录解题》著录，《沈佺期集》原有十卷，可惜今已不传。而此《沈云卿文集》是否即《郡斋读书志》著录的那个五卷本，尚有待考证。从

本书的内容来看，主要特点是诗文合集。^② 第一卷为诗、赋，第二、三卷为诗，第四、五卷为杂著。总计收诗八十四首（按：以诗题计算），赋三篇，琴曲一篇，赞四篇，文十五篇。其中的《度贞阳峡》、《登韶州灵鹫寺》二诗，《黄口赞》、《斑竹赞》、《云液赞》、《苍鹤赞》以及《七引八首》赋，均为新校注本所未收。另外，书中收录的文章，有五篇见于《全唐文》，其中《节敏皇太子谥册文》和《故桂阳郡王妃杨氏册文》列于睿宗李旦名下。^③ 而《昊天上帝祭文》、《先农祭文》《石国王吐屯阿禄稍册文》、《拔汗那国王倒册文》、《俱战提国王阿度册文》、《章怀太子靖妃房氏祭文》、《故工部侍郎李公祭文》、《汉大将军霍光祭文》、《珠菩提像文奉敕撰》、《赐突厥可汗铁券文》十篇，皆为《全唐文》所失收。原抄本文字时有错讹，有朱笔校字。

由此可见，五卷本《沈云卿文集》具有很高的文献价值，应该得到研究者的足够重视。

现抄录沈佺期的有关佚作，标点如下。

度贞阳峡

江路绕贞阳，云峰来水长。藤萝失昏旦，崖谷转炎凉。野戍红蕉熟，山邮绿笋香。只言武陵去，何处辨（原作辩）存亡。

登韶州灵鹫寺

积日半西岑，餘光透客林。暗山疑积黛，明涧似流金。忽见垂灯阁，旁连双树阴。浴池河汉近，讲席薜萝侵。对水禅应定，论沙幻已深。傍人（下阙）

以上《沈云卿文集》卷3

七引八首

观七之作也，始自枚叔。词人争锋，世有遗唱，尝因纸墨，辄疏七引。虽寡沉郁之能，冀存讽谕之事，爰命二弟，亦同斐然。履默子去乐辞显，遯世无为，山林膝坐，鸟兽肩随。王公不能偶其迹，玉帛不能降其仪。于是宣骄子闻而说焉，乘倜傥之驷，越江介之乡。其往也一觐三贺，其来也十室五浆。天子凿坏香涧，隐几穷石。观肘而化方及此，刳心而物无不适。

宣骄子灌乎显赖，颓然而进曰：盖闻含五精之秀，参九德之伦，臣固肆力匡主，子乃扬名显亲。今吾子弃家国之肥，窜苗藿之执，岂洪钧特犯，实命不犹。将弱丧迷归，翫其所入也。

履默子敦杖蹙颐，瞿然曰：嘻！吾闻昭昭生于冥冥，有伦起于无形。道诚莫测，物固有极。全道得昌，徇物见光。聿俗昧咸韶之节，瞽夫遗彩就之章。子徒识人间之銜耀，不究心外之迷阳。

宣骄子曰：高谈丽辩，褫魄惊骨。侔英则毅节春披，揣丽则重云景发。今将为子议繁艳之广，裨观听之。

履默子曰：今吾莅止，匪我蒙求，理或通变，愿孔休（下阙）

宣骄子曰：雕墙峻雉，闲宫秘馆，连双阙之迢亭，张千门之皓盱。左金屋，右旋台。红墀博敞，青锁洞开。连廊电爽，飞陛云凑。廊清署之荣基，隘长春之曾构。重簷度月，复雷奔星。虬龙矫翼于黄道，珠玉争光于紫庭。至如瑶席夏冷，蛩氎冬煖，交屏焕以长舒，彩帐檐而生馥。若乃金笳发，珠旆移，观芳苑，席洪池。素纚蜺矫，轻舟鳧游。神采冠乎庄篇，利涉详乎周系。詹公理辖，蒲子张罗。掩双鹜于雲路，掣比目于圆波。泝迴屿，历中阿。招姹女兮攀红荷，欢既往兮哀情多。此诚宫苑之壮丽，子

能从我而处之乎？

履默子曰：余本山棲，未暇此居也。

宣骄子曰：潏收按暑，杀气腾旻。火驰万骑，縻沸三旬。俾焚田与薪棘，遂讲猎乎斯辰。虹绺羨漫，蜺旌智霍。南纡广川长山，北绕平原巨壑。戔蹄之所希获，峭格之所罗络。将为吾子，金组啗脰，钩膺绮轸。从身轻鹜，掣若奔星。笼天合旅，刮野骈卒。鸟惊忘林，兽骇思窟。上不遑翥，下不及伏。飞鏃沓瘠，流刃更骨。影未僵则翩散，气将沸则刑历。亦有哮阚异类，狂狷殊族，窜崖啖坚，伏材噬毒。迹人之所罕究，猛氏之所不触。及使鸟黄秦许，檀裼投兵。褫蝥褫绀，拉猱弊颡。或因笑而遇格，或乘舞而就劓。于是解围顿纲，日晏天清，割鲜霞乱，投翰风生。匪颁于杀侯之旅，非偁于金石之声。此鬻总之壮逐，子能从我而游焉？

履默子曰：余好生之徒，不为也。

宣骄子曰：鲜厨丽敞，甘井华汲。鼎饔星分，俎豆云集。伊公鸟行而御火，颜子螭屈以拾尘。咸醑沐以瑞饰，不啻噫以交申。羞以多品，牲以时珍。鲜豸春登，肥犊秋荐。缕割綃解，素别颡见。具以芍药之和，节以休膏之膳。至于陆产多绪，海物惟错。磔鲙为髀，剖螭成臠。剖丛庭之鸚，剝大厦之雀。羹以春韭冬菁，和以巴盐楚酪。蒸未载乎雕俎，芬已凝乎高阁。霜池嘉鲋，雲海仙鯈，削鳞动翼，剝肠奋鬐。肤染湘绀，肌揉红紫。始游刃以散草，卒飘俎而成绮。雕胡精灿，蒸气浮浮。菰羹视夏，芥齏含秋。玉盘所献，灵果殊实，犯露元光之藜，冒霜朱英之橘。四醇九醞，举浊飞清。元正黛柏之叶，上巳红兰之英。斯则饮膳之至妙，子能从我而御之乎？

履默子曰：余甘薇蕨，未或是从也。

宣骄子曰：大宛雄骏，天机逸速。红晕冲口，紫光腾目。翠缠青络，如韦如脂。将超中折，若往而归。凌迅飙以先游，顿清

尘而后飞。但经所起，而不知所宿。良稷覩之以神倾，烟管闻之以心伏。雄飞之剑，出自昆吾。皇公宰物，下清都而装炭；神蛟骧首，出河宫而捧炉。威若雷庭下震，光若芙蓉散湖。当晋郑以挥锋，掩齐代以为鏖。岂徒陆剗犀象，水击鸿鹤者哉！狐裘锦褐，龙袞绣裳，金螭列彩，珠履齐光。房子锦纈，荆河绁纆。整温袷则冬失祁寒，接凉袂则夏销徂暑。有严有翼，翔翔楚楚。阍雷为之逡巡，佳冶为之延佇。此乃服御之至妙，子能从我而有之乎？

履默子曰：余荷裳蕙带，未尝此好也。

宣骄子曰：清秋遥夜，朗月层轩。白露洒落，归鸿翩翩。高堂华烛，罗幌金樽。丽人八九，星艳锦繁。若乃蕙心持静，殊态横逸。宛若迴雪之流风，霍若初霞之映日。柔荑纤手，削成膊肩。靡颜灼其里灿，明眸炳其外燃。琴笙左右，竽磬齐列。进荆妃，练白雪，邀郑女，扣繁节。惠音六引，循袖七盘。婉如轻云送鹤，瞥若惊风迴鸾。于是穷变极乐，辍悬韶箫。饰进铅粉芳荷兰若，清歌入云，往往间作。歌曰：“愿学凤兮翔寥廓，乘彩云兮去金阁。过织室之双游，与常娥而对谑。”此乃音色之两妙，子能从我而赏宴乎？

履默子曰：余恶郑声而乱雅贵，诗人之无邪，固不为也。

宣骄子曰：黄庭上土，碧落中天。龙衔道记，凤吐真筌。海田三变，城郭千年。卧云衢之眇眇，视尘滓之悬悬。亦有方士左慈，异人介象，呼吸云雷，鞭笞魍魉。神以知来，智以藏往。又如洛阳剧孟，关西万章。魂逐无忌，精怜孟尝。衔恩绿酒，伏怨清霜。生名不朽，死骨犹香。至如臆起精略，苏张辩口，谈楚魏之吞併，论卿相之先后。弃文德而不收，征武功而尽取。此数君者，咸冠古而称时，何英提其如此？有盛名之不欺，斯乃人灵之卓异。子能从我而友之乎？

履默子（原作之，据朱笔校改）曰：然，友则友矣，方于至道

有累，何如？

宣骄子曰：大人之龙兴也。欻然自造，取诸乾坤以文，应气合纬为元。我太祖提剑四海，太宗尝药九门。极苍黔之命，运亭毒之恩。皇帝威怀有截，德被无外，区宇义安，人灵交泰。日观遐践，金绳飞蕩。九天平而尚补，八卦出而犹重。征天老以问凤，出地辅以乘龙。犹曰：我聪未达，我德未浓。常默默而思道，兢兢而惕容。于是投珠于泉，藏金于谷，食无参味，居无崇屋。恤孤寡，振惇独。黜聪以塞其耳，恶明以垂其目。由是天垂贶，地凝祲，休气塞，甘泉生。国富农桑，人绝商贾。强不凌弱，众不暴寡。有耻格乎輿台，有让在乎耕稼。山无蹊隧，人得繁滋。世久同乎文轨，俗不革于华夷。有干戈兮不用，虽礼乐兮焉施？拊斗折冲之日，焚符破玺之时。邱园无遁世之迹，山野有戈戈之诗。

言未毕，履默子蹶然而兴曰：伟哉，言乎！向子诱我以浮华之事，非道德之精，适烦尔口，只搅吾情。且闻惟天为大，以则皇明；惟人为贵，以至升平。庸虽不敏，随子而行。

黄口赞并序^④

圣历中，余时任通事舍人。有勅于东观修书。夏日，南轩诸公共见黄口飞落铅槧间，奉宸主簿李崇嗣命余小竖苍子，采花哺之。河东薛曜邀余为赞。

爵爵黄口，戾我床隅。受兹懿名，解殻呈躯。纤脰戟爪，短毛节翼。规眼擘椒，直觜剌棘。妥貌淳淳，性淑以驯。岂不逼畏，虚诚附仁。仁其谓何，鹄乎奚知。跳跳往復，啾啾苦饥。谓余小竖，采华中国。夺蝶红鬚，摘蜂细缕。易父之慈，代母之哺。载吞载嚼，群彦是覩。

斑 原作班 竹赞

何二妃之（原脱，据朱笔校补）婵娟，毒苍梧之不还。涕沦漪乎

碧鲜，寄遐愤乎贞坚。

云液赞并引

河东薛季卿好谈仙事，年至五十而青鬓童颜。家有山间药堂、真诀道记、玉瓶练水，风炉化丹，自谓一、二千年，药术可致。常服云液，拯颓救衰。因赠云液篇，以赞其美。

十精之妙，其最云英。练以桂水，五光俱成。气淑中炉，香喷上清。服者橡斗，子乃长生。

苍鹤赞并引

薛季卿云京师练雲液，百日殆成。有苍鹤飞下，炉上幼女曰：卿鹤已失矣。雲卿曾读紫阳仙经有老鹤，以纪其事。

苍鹤霄游，远无世情。丹顶明茂，六翮坚轻。区区薛公，飞云欲成。吸我灵液，夺我长生。

以上《沈云卿文集》卷4

昊(原作旻，据朱笔校改)天上帝祭文

维景云三年岁次壬子正月某日朔某日，嗣天子臣某敢告于昊天上帝：惟开辟广大，覆焘聪明；平四分时，曲成万物。阴骘于上，昭应于下，德绝言象，功无比议。故典礼莫大乎祀，虔谒莫崇乎郊。臣以寡薄，缙膺休命，祥物荐臻，福履增惕。时因献岁，和气发生，躬亲泰壇，肃事严配。谨率彝典，慎修礼物，敬以玉帛牺牲，粢盛庶品，备兹禋燎，只荐絜诚。

先农祭文

维景云三年岁次壬子木正月辛未土朔十八日戊子火，嗣黄帝臣某敢昭告于帝神农氏：耒耜之利，圣功惟厚。时在上春，肇兴东作，率由典则，祇事千亩。谨以制幣牺牲，粢盛庶品，肃备恒

祀，陈其明荐，以稷配神作主，尚飨。

石国王吐屯阿禄稍册文

维某年月日，皇帝若曰：咨尔石国王吐屯阿禄稍，夫开国承家，义光列圣，兴亡继绝，允属象贤。尔粤自祖宗率先款附，保守诚节，终始不渝。尔之忠勇于略，闻诸阙下。御捍边寇，久战树勋，缅怀旧业，宜继先绪。是用命尔袭父为石国吐屯，今勅持节四镇经略大使安西大都护张元表便差使备申册礼往，钦哉！祇膺嘉命，俾貽于后，可不慎欤！

拔汗那国王倒册文

维某年月日，皇帝若曰：于戏！胙土疏封，不隔夷夏，择贤继代，以镇蕃服。咨尔检校拔汗那国王倒，代雄边缴，克励忠诚，辑宁殊俗，归我皇化。顷闻统率军旅，致捷寇戎，牧功念劳，式光宠数。是用命尔为拔汗那国王。今勅持节四镇经略大使安西大都护张元表便差使备申册礼往，钦哉！祇服典章，为我蕃翰，可不慎欤！

俱战提国王阿度册文

维某年月日，皇帝若曰：于戏，封建垂则，中外通规，咨尔俱战提国王阿度竭向化（按：此句疑有缺文），累代申款。皇命载宣，蕃礼罔坠。近闻边寇侵軼，固心捍御，缅怀勤劳，宜膺宠授。是用命尔袭父为战提国王，今勅持节经略大使安西大都护张元表便差使备申册礼往，钦哉！克继先业，可不慎欤？

章怀太子靖妃房氏祭文

维景云二年岁次辛亥十月壬寅金朔十九日庚申木，皇帝遣具位某以少年之奠，敬祭故章怀太子靖妃之灵。神寝既就，备物肃

陈。絳旒不旋，元扉遽掩。缅怀永往，益增悲歎。式陈嘉荐，魂其尚飨。

故工部侍郎李公祭文

维景云二年岁次辛亥十一月壬申朔二十六日丁酉，中书舍人沈佺期谨以清酌之奠，祭故工部侍郎昭文馆学士李公之灵。公含华毓粹，履仁佩德。少践义方，长游礼则，思含飞动，才冠卿云。矫矫孤翥，昂昂绝群。余与夫子，相知二纪，情同岁寒，契共终始。上天胡为，亡我深知。气运俱尽，音英载离。呜呼哀哉！感念平生，应怀多绪。自兹冥漠，非复游处。呜呼哀哉！公车待制，礼阁为郎，金闺罢藉，锦帐馀香。呜呼哀哉！呱呱稚子，怆怆惇室，庭庑就荒，房枕永毕。呜呼哀哉！有羞有俎，有酒盈樽。幽明载隔，式荐贞魂。呜呼哀哉！

汉大将军霍光祭文

将军秉节炎汉，俾宁社稷。替昌邑，拥昭宣。势扶将倾，权实在己。功冠不朽，义存复辟。奉诚所以息猜，思主有毁；育德所以起贵，礼当先白。虽伊周二勋，无足加也。皇帝则天统物，覆暴旌善，遐酌忠贞，緬覃雨露。降明制，饰穷泉。粉柏生光，臣子企节。某虚昧忝役兹邦，只宣大猷，或畅如在。茂陵园邑，瞻白雲而不见；博陆封疆，荐绿樽而徒满。大君有命，贞魂飨诸。

珠菩提像文奉勅撰

自昔开物成务，制礼作乐，罕论十地之明因，无证四天之胜果。大仙既现，香雨载零。覩羲农之化偏，知舜禹之功薄。皇帝德符上圣，仁下生（按：此句疑有缺文），飞惠炬于六幽，扇兹云于万像。冕旒多暇，每寻欢喜之园；輿辇经行，即对醍醐之

沼。以为镠金未极，雕香非妙。爰命良工，敬成珠像。师子王国，奉如意之珍；神龙海藏，献摩尼之宝。九十六毒，骇神光以自销，百千两金，阻威德而无价。是用分丝点露，结缕攒星，相好光明，威仪具足。大人洗手，张以旃檀之架；宫女焚香，襁以波斯之锦。无上功德，如是庄严。睿感必通，圣躬多祐。

赐突厥可汗铁券文

某年月日，皇帝敬问突厥可汗：朕居宝位，四海一家，天命相承，于今六代。唯可汗一国，比未和通，使彼边人，尚劳防御。今可汗将心向内，求朕为亲，朕深领此诚，不惜爱女。自今以后，永无兵甲。蕃汉之间，长绝猜阻。可汗既为女婿，公主又复降蕃，天下大同，岂不安乐？比日使命来往，言不尽心。又可汗在远，犹未相见。今附铁券，以为的信。知朕不负苍生，尽义于可汗矣。有违盟要，天不祐之。

以上《沈云卿文集》卷5

注：

①本书十分罕见，仅北京图书馆和上海图书馆藏抄本，疑据宋蜀本抄录。

②沈集有《百家诗》二卷本，《唐诗纪》三卷本，铜活字《唐五十家集》四卷本、王廷相《唐沈佺期诗集》七卷本（北京图书馆有藏本），各本所收皆为诗歌。

③此二篇《全唐文》题作《节愍太子谥册文》、《册桂阳郡王杨妃文》。原当出自沈佺期之手。

④《黄口赞序》新校注本据《唐诗纪事》收入，然文字较本篇简略。

作者工作单位：北京图书馆

（本文责任编辑：冯惠民）